

脉

如



何夢瑤先生鑒定

脈口

樵西郭元峰先生著



南京中医药大学图书馆版权所有

郭治字元峯南海附貢
生精於醫術清遠縣男
子患水腫曰非藥水蒸
之不可今以綿被裹肩
及踵置巨鑊中寢其蓋



而見脊熾薪焉汗透重
綿掖之下腫頰消有友
人偽為病者試之餐而
待于門望其至則疾趨
入觸而踣或促之床延
視之驚曰五中既亂疾

不可為矣皆笑翌日竟
死同時有崔七者治病
亦多奇效聞其名不信
匿童男女於幃更迭其
手而使訟之既不予方
問其故曰陰陽已亂尚



可治耶崔肢其明遂定
交本著有脈如傷寒論
藥性別醫約各一卷
脈如傷寒論見存云



北京中医药大学图书馆版权所有

予友郭子元峰本邑名諸
生能醫尊劉朱與余議合
其尊人兼水公儒者也精
於醫求治者無虛日取療
輒奇中元峰之學蓋得之
庭訓云記稱醫不三世不

何一
服其藥而仲景又以專承
家技為譏知醫非儒不可
世而元峰足為後法見矣
覽其所為脈論又尊信劉
朱與近日宗張景岳者明
昧有別吾欲取以為法因

以辭弁其首曰熱藥之烈
崑岡焚神焦鬼爛無逃門
誰辨紫朱判玉璫衆盲相
引昭皆昏為我地下劇厥
根無令渠魁騰狂言治其
脅從徒紛煩乾隆戊午年

重陽前五日家眷世弟
何夢瑤書



南京中医药大学图书馆版权所有

序

良相良醫昔賢並重以相操救世之權醫
擅救人之術也古之良醫聆音察色洞視
五臟則其治疾也有剖胸決脾洗濯胃腎
之變苟無其術不敢行其事故蘇文忠有
言華陀不世出天下未嘗廢醫蕭何不世
出天下未嘗廢治旨哉斯言比後世脉訣
諸書所由傳也顧或謂醫者意也智也其
執脉書以言醫者比諸趙括談兵充是說



也將有廢書以自任其私見者是猶未能
視脉而欲試華佗之術其異於操刀而殺
人者幾希矣夫泥書固不可以言醫而無
書亦豈可以言醫且非博極羣書以意也
智也融而化之更不可以言醫吾邑元
峯郭先生名醫也凡所治者無不立痊神
明變化震之者擬諸元化復出云所輯註
有脉如傷寒醫案各書舉素問靈樞難經
以及歷代著述皆撮其要鈎其元類而析

之條而貫之擇精語詳補叔和之畧刊高
陽之謬以羽翼長沙至論一脉必備列其
疑似症治使學者了于目了于心傳習尤
易視瀕湖脉學可並美焉然後知 先生
識之精實由其學之博洞乎脉之理契乎
脉之神所謂以意智化乎書用書而不為
書用者也雖然 先生以名儒通於醫其
學殖之富豈區區于是然即其見于是者
已闡古人之奧開後學之蒙詎可秘於枕

中哉同年郭君幟城因付諸剞劂予亦并
數語於簡端以誌嚮往之誠云若夫是書
一出讀之者由博得精普救困厄挽躋仁
壽直謂先生在可也謂元化在可也謂
由良醫以幾良相蘇文忠之言長在亦無
不可也是為序

道光丁亥 年愚姪沈沂頤首拜撰

族伯元峰諱治其先冠厓諱標
者以廩貢司鐸粵西歷署武宣
縣及柳州象州知州卓有政聲
自冠厓伯祖而下六傳皆補邑
博士弟子員世其書香不絕至
族伯生而警異讀書過目輒不

集一
忌壯戕為邑名諸生其為文鎔
經鑄史氣象崢嶸識學過人遠
甚顧家本清白食指日繁因舍
而業医其醫率以意治而不戾
於古族長嘗為余言前輩莊公
有信患鬱熱病諸醫以公官途



鞅掌積勞成疾率投補劑罔效
後延伯治令服西瓜葶薺湯公
佯許之而不服翼日伯詢知因
書補方授公而陰囑其家人以
前湯進病脫然去公竒之遂定
交焉一富家子病狂百治不效

